

پیپلز پارٹی آف پنجاب دی پیدائش:
حاکم ٹولے دا لوکاں وچ اک ہور بھلیکھا

شہید بھگت سنگھ دے جدی پنڈ کھنڈر کلاں وچ پنجاب دے سابقہ خزانہ
منتزی منپریت سنگھ بادل نے اک نویں سیاسی، پارٹی پیپلز پارٹی
آف پنجاب، بناؤن دا اعلان کیتا ہے۔ پچھلے گجھ عرصے توں منپریت
سنگھ بادل پنجاب دے پنڈاں شہراں دے دورے کر رہیا سی اتے کئی
تہانواں تے ریلیاں اتے جلسے وی کیتے سی۔

منپریت سنگھ بادل پنجاب دی حاکم پارٹی اکالی دل ولوں اسمبلی دا
میمبر چنیا گیا سی۔ رشتے وچ اوہ پرکاش سنگھ بادل دا بھتیجا
ہے تے بادل نے ہی اوہنوں پنجاب دا خزانہ منتزی بنایا سی۔ پر
فیر اکالی دل دے پردھان اتے مکھ منتزی نال اوس دے مت-بھید
ہو گئے تے اوسنوں اکالی پارٹی وچوں کڈھ دتا گیا۔ ہن اوسنے
اک نویں پارٹی بناؤن دا اعلان کر دتا ہے۔ کھنڈر کلاں وچ
جدوں اوسنے ایہ اعلان کیتا تاں اوس سمیں اوسدے نال شہید بھگت سنگھ
اتے سکھدیو دے بھتیجے وی موجود سن۔ اس تران منپریت سنگھ بادل
لوکاں نوں دسن دی کوشش کر رہیا سی کہ اوہ بھگت سنگھ، راجگرو
اتے سکھدیو ورگے شہیداں تے دیش-بھگتاں دیاں لیہاں تے چل کے
پنجابیاں نوں درپیش مثلیاں نوں حل کریگا۔ اس تران دا پرہاو
پیش کرن لئی ہی اوسنے بھگت سنگھ دے صحیدی دہاڑے تے وی اک
ریلی کھنڈر کلاں کیتی سی اتے ہن اوسنے اوہنوں ہی اپنی پارٹی
دا اعلان کیتا ہے۔

پیپلز پارٹی آف پنجاب دی ویب سائٹ مطابق اس پارٹی دے مکھ ٹیچے
اتے نشانے گجھ اس تران دے ہن:

کہ پارٹی ہندوستان دے سیکر، سوشلسٹ، پیڈرل آتے جمہوری ڈھانچے
دی قائل ہے تے ہندوستان دی امنپوروک تے انصاف پسند ڈویلپمینٹ
چاہندی ہے۔ پارٹی پنجاب، پنجابی آتے پنجابیت دی شان دی قائل ہے۔

کہ پارٹی پنجاب راج آتے لوکاں دا ہراول دستا ہے تے پنجابیاں
نوں ہندوستان دے راجتنتر آتے نظام وچ اوناں دا بندا تہاں ڈوآویگی۔

کہ پارٹی آزادی، برابری آتے بہترپین دی بنیاد تے سماج اُساریگی
تے ذاتپات، دھرم، لنگ جاں ہور کسے وی آدھار تے کسے نال
وتکرا نہیں کریگی۔

کہ پارٹی دی بنیاد سربت دے بھلے دا اصول ہووے گا، سماجی آتے
سیاسی بے ایمانی، کرپشن آتے بھائی بہتیجاواد ختم کریگی تے سبھناں
لئی تعلیم آتے صحت مہیا کر ائے گی۔

کہ پارٹی نشیاں خلاف گھول چلائے گی، واتاورن دے بچاؤ لئی آتے اس
نال سُر میل ڈویلپمینٹ کریگی آتے پارٹی پنجاب وچ امن، خوش حالی
آتے ترقی لیائے گی، آد آد۔

لگدا ہے کہ منپریت بادل نوں پنجاب دے لوکاں دی سدھر تے تانگھ
دا پتہ ہے تے پنجاب دے لوکاں نوں درپیش بنیادی مثلیاں دا وی
علم ہے۔ لوک چاہندے ہن کہ بے روزگاری، ان پڑھتا، کرپشن تے
لٹ کھسٹ بند ہووے تے اوہ امنچین، خوش حالی تے عزت دی زندگی
بسر کر سکن۔ شہید بھگت سنگھ نے اپنی جان ایہو جہے نظام لئی
ہی واری سی جتھے بندے ہتھوں بندے دی لٹ بند ہووے۔ لیکن بھگت
سنگھ دے پنڈ وچ ایلانی گئی اس نویں پارٹی دی شہید بھگت سنگھ
دے نشانیاں آتے ٹیچیاں نال کوئی ساجھ نہیں ہے بلکہ بھگت سنگھ

دے نشانیاں دے اُلٹ ہے۔ بہگت سنگھ ہوریں تاں لُٹ کھسٹ دا راج ختم کرنا چاہندے سی پر کانگرس، شیپیقائی (ایم)، اکالی پارٹی تے ہور سیاسی پارٹیاں وانگ ہی پنجاب پیپلز پارٹی والے وی لُٹ کھسٹ والے موجودہ نظام نوں ہی برقرار رکھنا چاہندے ہن تے جے غور کیتا جاوے تاں اس پارٹی اتے اسدے نشانیاں وچ اتے کانگرس پارٹی، اکالی پارٹی اتے شیپیقائی (ایم) دے نشانیاں وچ کوئی زیادہ فرق نہیں دسدا۔ اس پارٹی دے نشانے کانگرس، شیپیقائی اتے اکالی پارٹی دے نشانیاں دا ملگوبھا ہے۔ اوناں پارٹیاں وانگ ہی اسدی بنیاد وی دو صدیاں پُرانا یورپین لبرلزم اتے سوشل ڈیموکریسی دا فلسفہ ہے۔

اس پارٹی دی پیدائش حاکم ٹولے دی آپسی لڑائی دے ہور ڈونگھے ہون دی ہی اک جھلک ہے۔ حاکم ٹولے دے سارے دھڑے راجتنتر اتے ریاست نوں اپنے مفاداں لئی ورتن خاطر سیاسی طاقت اپنے ہتھوں وچ چاہندے ہن اس لئی اوناں دی آپسی لڑائی تگھی ہو رہی ہے۔ ہورناں پارٹیاں وانگ ہی ایہ پارٹی وی جاگو پنجاب اتے جیوے پنجاب دا نعرہ لا کے حاکم ٹولے دا ہی راج برقرار رکھنا چاہندی ہے اتے رکھیگی جدک سمیں دی لوڑ ایہ ہے کہ لوکاں دے مسلے اُدوں ہی حل ہو سکنگے جدوں لوک اپنا راج خود چلاؤن وچ کامیاب ہونگے۔ منپریت سنگھ بادل اتے پیپلز پارٹی آف پنجاب، پنجابی اتے پنجابیت دا نعرہ ضرور لا رہے ہن پر ایہ پنجابی درشن تے فلسفے توں سیدھ لین توں مُنکر ہن۔ ایہ یورپین لبرلزم اتے سوشل ڈیموکریسی دے نیماں توں ہی سیدھ لے رہے ہن کیونکہ ایہ فلسفہ تے اس سوچ تے بنے ہوئے ادارے حاکم ٹولے دی لُٹ دے نظام نوں چلدا رکھن لئی بہت ہی مفید ہن۔

پیپلز پارٹی آف پنجاب دی پیدائش اک وار فر پنجاب دے لوکاں

نوں گمراہ کرن آتے کُراہے پاؤن دی اک چال ہے تے ایہ
 وی حاکم ٹولے دی ہی اک ہور جتھیندی ہے۔ ایہ پارٹی وی طاقت
 وِچ آ کے اوہی کُجھ کریگی جو اگے ہو رہیا ہے۔ ایہ وی حاکم
 ٹولے دا راج ہی قائم رکھیگی جس وِچ حاکم ٹولا لوکاں دی طاقت
 چوٹاں راہیں کھوہ کے اوناں دے قدرتی آتے منگھی وسیلے ہتھیا لیدا
 ہے تے اپنے مُفاد لئی ورتدا ہے۔ ہو سکدا ہے کہ آؤن والیاں چوٹاں
 وِچ پیپلز پارٹی آف پنجاب کامیاب ہو جاوے کیونکہ لوک اکالی پارٹی
 آتے کانگرس توں دُکھی ہن پر اس نال وی پنجاب دے لوکاں
 دا کُجھ نہیں بننا۔ پرناہ اوتھے ہی وگیگا۔ چوٹاں وِچ ایہ پارٹی
 ہو سکدا ہے کانگرس نال وی کوئی سمجھوتہ اندرکھاتے کر لوے ۔

ہورناں پارٹیاں وانگ ہی ایہ نویں پارٹی لوکاں نوں درپیش مثلیاں
 دی گل تان کردی ہے پر اوناں دے حلّ اس کول نہیں ہن کیونکہ
 حاکم ٹولے کول لوکاں دے کسے وی مسلے دا حلّ نہیں ہے آتے
 نہ انہاں مثلیاں دے حلّ وِچ ایہ دلچسپی ہی رکھدے ہن۔ ایہ پارٹی
 وی پنجاب دیاں ہورناں پارٹیاں وانگ ہی تاریخ دے تقاضے توں پچھے
 رہ گئی ہے اس لئی ایہ لوکاں دے کسے وی مسلے نوں حلّ کرن وِچ
 کامیاب نہیں ہو سکدی۔ صرف لوک ہی اپنی ایکتا آتے طاقت نال
 اک نویں اُساری راہی ایہ مسلے حلّ کر سکدے ہن۔